

Ponuda za saradnju



“Bakersoft”

“Sake” developers



Poštovani,

bilo da posjedujete jednu, dvije ili lanac pekara, vođenje istih predstavlja temeljni aspekt Vaše poslovne djelatnosti.

Mi u “Sake” developers timu posebno smo svjesni činjenice da nepostojanje informatiziranog sistema za vođenje pekare, ili upotreba nezadovoljavajućeg i zastarjelog rješenja nose sa sobom brojne potencijalne probleme kao što su:

- nepostojanje sistematiziranih zapisa o radu pekare, što Vam u potpunosti onemogućava ili u značajnoj mjeri otežava bilo kakav vid analize i uvida u rad i funkcioniranje pekare
- mogućnosti zagublivanja određenih informacija, papira za evidenciju, računa, papira za isporuku
- česte greške u naplati, čime ste direktno financijski oštećeni ili Vi ili Vaši klijenti
- sporost naplate, što usporava prodaju u pekari te stvara negativan utisak na korisnike
- podložnost manipulacijama, što je posljedica vođenja papirnatih dokumentacije koja je skupa za kreiranje i pohranjivanje, spora za pretraživanje i pogodna za neovlašten pristup i izmjene
- poteškoće u prilagođavanju promjenjivom poslovnom okruženju, što otežava i usporava primjenu Vaših zamisli u praksi

Također želimo da istaknemo da smo svjesni činjenice da na tržištu već postoji određeni broj nama konkurentnih softverskih rješenja koja pokušavaju riješiti problem vođenja pekare. Nedostatak tih rješenja jeste što ona najčešće dolaze u obliku, isključivo, integralnih sistema koji Vama nameću njihova vlastita pravila i principe funkcioniranja, dolaze uz stroge uslove korištenja tačno određene kompatibilne opreme, tačno određenih proizvođača, te time umjesto rješenja Vaših problema kreiraju dodatne troškove i dodatno nepotrebno usložnjavaju Vaš sistem i stvaraju ovisnosti prema trećim stranama.



“Bakersoft”

Naša softverska firma je, sa druge strane, okrenuta samo Vama i Vašim potrebama. Mi smo uvjereni da za svaki problem postoji elegantno, jednostavno i prilagodljivo rješenje. Rješenje koje se prilagođava Vašim potrebama i Vašim zamislima omogućavajući da se odmah predoče u praksu. Rješenje koje omogućava da kupovina ili isporuka u Vašoj pekari bude ugodna, jednostavna, te praktično nevidljiva vašim kupcima. Jer, prava usluga i pravi sistem upravo i trebaju da imaju takvu ulogu, ulogu pojednostavljivanja procesa prodaje i isporuke, samog rada pekare, te povećanja profita prije svega.

U sklopu ove ponude, “Sake” developers kao zainteresirana strana nudi Vama i Vašoj organizaciji jedinstveno softversko rješenje za vođenje pekare čije osobenosti navodimo u nastavku.

Bakersoft

Softverski sistem kojeg je razvila naša kompanija, Bakersoft, ponaša se kao prije svega nezavisna i specijalizirana softverska komponenta koju je moguće koristiti je kao kamen temeljac, odnosno polaznu tačku, Vašeg novog informacionog sistema čiji će glavni dio biti upravo naš softver.

Ovisno o načinu na koji želite koristiti Bakersoft i okruženju u kojem ćete ga koristiti mogli bi diferencirati više različitih varijanti našeg softvera. Međutim uzimajući u obzir da bi Vi naš softver koristili kao polaznu tačku Vašeg informacionog sistema, mi vam nudimo varijantu našeg sistema pod nazivom Bakersoft Basis.

Bakersoft Basis

Osnovna varijanta našeg sistema namijenjena je klijentima koji žele informatizirati vođenje svoje pekare, a ne posjeduju informacioni sistem na nivou poslovne organizacije koji upravlja knjigovodstvom, financijama i ljudskim resursima organizacije. Bakersoft basis, kao što samo ime kaže je softver namjenjen da predstavlja bazu Vašeg budućeg informacionog sistema.

Bakersoft Basis nudi sljedeće mogućnosti:

Predstavlja idealnu polaznu tačku za Vaš novi informacionim sistemom, što podrazumijeva uvoženje dva korisnička računa u svrhe pristupa i rada sa Bakersoftom. To su radni korisnički račun za dostavljača koji treba da unosi izvještaje sa dostava/iskoruka , te korisnički račun za računovodstvo.

“Sake” developers



Podrška osnovnom procesu, što podrazumijeva integriranje sa dosta financijski pristupačnim hardverom, ili omogućeno ručno evidentiranje dolazećih i odlazećih artikala pekare, kreiranje računa ili platnih naloga (naplata) te praćenje cjelokupnih procesa proizvodnje u pekari.

U sklopu osnovnog procesa, proizvodnje i prodaje u pekari, sistem omogućava jednostavno praćenje rada obje vaše pekare, iako bi bio implementiran u samo jednoj, sa koje će se vršiti evidencija.

Sistem će omogućiti uvid u to koliko je određene vrste artikala poslato, te isporučeno na određenu lokaciju, s tim da ukoliko jedan klijent, ima više objekata omogućava sedmične ili mjesečne (zavisno od zahtjeva) sumarne izvještaje za tog specifično klijenta.

Ukoliko se šalje određena faktura može da se provjeri isporučenost te fakture, koliko je vraćeno, te konačni obračun.

Dakle Bakersoft Basis Vam omogućava potpunu evidenciju rada pekara, izvještaje o dostavi, izvještaje o zahtjevima klijenata, izvještaje o viškovima i manjkovima, te potpuno eliminiše papirologiju.

Prednosti i koristi

Upotreba Bakersoft sistema u praksi je pokazala da naši klijenti ostvaruju sljedeće koristi:

- eliminirana je složena papirologija (što je u vašem slučaju jedna od najbitnijih prednosti)
- usluživanje klijenata je brzo i jednostavno
- eliminirane su gužve i smanjeno je opterećenje radnika
- povećan je nivo sigurnosti
- povećan je profit i smanjene su mogućnosti manipuliranja sistemom
- brzo i jednostavno se dolazi do svih podataka relevantnih za poslovanje i obavljanje rada
- aplikacija je jednostavna i intuitivna za upotrebu, te je proces obuke korisnika kratak
- rok otplaćivanja sistema je manji od dvije godine



"Bakersoft"

Zašto "Sake" developers?

"Sake" developers je relativno mlada firma koja je djeluje na tržištu bivše Jugoslavije i bavi se razvojem i održavanjem softverskih sistema. Najpoznatiji proizvod naše kompanije je generički sistem za vođenje pekara - Bakersoft, kojeg koriste vlasnici pekara koji se baziraju na određenim užim poslovnim nišama, kao i vlasnici lanaca pekara koje su okrenute posluživanju veće klijentele, te su nam postali najznačajniji partneri, i na čijim iskustvima kontinualno nadopunjavamo naša vlastita znanja i nadograđujemo sisteme koje razvijamo.

Kompanija je nastala kao zajednički poduhvat nekoliko studenata Elektrotehničkog fakulteta u Sarajevu nakon njihovog zajedničkog rada na projektu "Razvoj sistema za vođenje pekara", kojeg su igrom slučaja isprobali u praksi, te uvidjeli potencijal koji imaju. Djelujemo od 2010. godine. U proteklim godinama izrasli smo u jednu od vodećih i najstabilnijih softverskih kompanija u BiH po broju poslovnih partnera i godišnjeg prometa koji za 2013. godinu iznosi preko 300.000 KM, prije svega zahvaljujući spoznaji da su sposobni i stručni zaposlenici naša najveća kvaliteta, a dobri odnosi sa partnerima garant uspješnih projekata i uspješnog održavanja softvera. "Sake" developers svojim partnerima osigurava jednak stepen usluge od početka do kraja prodajnog ciklusa i nakon prodaje. Svakodnevnom poslovnom interakcijom svi se krećemo prema istom cilju. Stoga nastojimo biti otvoreni i kontinuirano održavati dobre partnerske odnose. Pritom nam pomaže dobar osjećaj za prioritete i jasna opredjeljenost za zadovoljstvo klijenata u cijeloj organizaciji. Kao rezultat takvog pristupa, iz dana u dan poboljšavamo svoje poslovne procese, pokrećemo nove partnerske programe i uvodimo nova informatička rješenja.

Fokusirani smo na kvalitetu u svim segmentima našeg poslovanja: kvalitetni proizvodi, brze intervencije i kvalitetna tehnička podrška, motivirani i educirani zaposlenici, dobro organizirani poslovni procesi koji garantiraju brzinu isporuke u ugovorenim rokovima.

"Sake" developers



“Bakersoft”

Ponuda

Bakersoft basis možemo implementirati i prilagoditi Vašim potrebama u roku tri (3) mjeseca. Stvarna cijena produkta (uračunat proizvod, dokumentacija, obuka korisnika i sve dadžbine) iznosi 5.000 konvertibilnih maraka (KM) na datum 22.3.2014. godine.

Garancija na produkt je u trajanju od pet (5) godina, sa uračunatim besplatnim popravkama i stručnom pomoći čiji cjenovnik utvrđujemo zasebno. Raduje nas potencijalna suradnja sa Vama, i nadamo se da ćete odabrati upravo nas i pridružiti se rastućoj porodici organizacija koje su u nama prepoznale pouzdanog partnera.



“Bakersoft”

Kontakt

Sadžid Suljić

Tel: 062/151-830

Email: sadzid.etf@gmail.com